


JANUARI 1939.

No. 52.

Taon ka 6.



SAM KAUW GWAT PO

Orgaan dari Batavia Buddhist Association, Sam Kauw Hwe Batavia, Menado dan Telokbetong.

ISINJA INI NUMMER:

PENDEBOERAN SIENSHE LIN FENG FEI (Dengen gembalan), SOESAH DAN GAMPANG.

BUDHA POENJA AMPAT KABENERAN MOELIA (Lezing XXII, XXIV dan XXV) oleh K. T. H.

PHILOSOFIE BUDDHIST TENTANG KALAHIRAN DAN KAMATIAN, oleh Bhikkhu Narada

DJIKALOE TOEAN MAOE DAPET TAOE
Pemandangan sabelah dalem dari kadjadian jang
penting di Europa,
Pemandangan jang leroes-terang tentang pepe-
angan Tiongkok-Japan,
Bagimana moesti menggoenaken tanda-tanda dalem
toelisan,
Lelakon jang gandjil dan lostjoe dari penghidoepan
manoesia,
Naaehat-nasehat jang tadjem dan djitos bagi kaqem
prampoean,
Sjalr-sjaliran jang dittoells oleh achli-achli Inggris
dan Tionghoa,
Tjerita-tjerita jang bersifat galb dan loear biasa,
Roepa-roepa pengataeuan jang berhoeboeng deng-
en limoe occult,
enz. enz. enz.

ambillah Abonnement

MAANDBLAD

„Moestika Romans“ *

jang sanige sekarang soedah terbit sapoeloech taon
lamanja, dan jang Isiaja boekan boeat dibatja saliwatan,
hanja berharga besar disimpel aken difahamken ber-
oelang-oelang.

Harga per kwartaal f 1,50.

Dirangkep sama Sam Kauw Gwat Po per kwartaal
djadi f 2,00.

Proefnummer baleh dapat pertjoemah.

Adm. „Moestika Romans“
TJITJOEROEG.

Pengoeboeran Lajonnja Sienshe Lin Feng Fei Hweshio Kepala dari Klienteng Kwan Im Tong, Batavia.

Pada hari Minggoe tanggal 4 December lajonnja Sienshe Lin Feng Fei, pendita kepala dari Klienteng Kwan Im Tong, jang meninggal tanggal 26 November, telah dikoeboer dengen pake atoeran Khong Kauw.


Pada maleman dari itoe hari pengoeboeran dalem itoe klienteng telah dibikin oepatjara sembahjangan besar dengen menoeroet atoeran Tionghoa koeno — tjoemah sadjannja tida disertaken barang berdjawa — dengen disaksiken oleh banjak orang.

Di sapoeternja peti majit, jang ditaro di paviljoen dari itoe klienteng, ada penoeh dengen krans kiriman dari sobat-sobatnya itoe Sienshe, antara mana ada djoega dari Pakoempaelan Theosofie, Batavia Buddhist Association dan laen-laen.

Peti mati digotong ka pakoeboeran dengen teranter oleh ratoesan orang, antaranja ada djoega Toean-toean Chakrabutty dan Nanda Lal Punj dari Batavia Buddhist Association, Raden Soekirlen dan Raden Soetardjo dari Pakoempoelan Theosofie, dan banjak bestuur dan leden dari Batavia Buddhist Association dan Sam Kauw Hwe Batavia, wakil-wakil dan bestuur dari berbagi-bagi klienteng di Batavia. Djoega ada toeroet manganter Toean Ong Soe Aan dari Bandoeng dan Toean Gan Thian Leng dari Poerblingga.

Sienshe Lin Feng Fei ada kepala klienteng Tionghoa paling pertama di Java jang bantoe menoendjang tindakan boeat adaken chotbah-chotbah dalem ia-poenja klienteng, dan soedah pimpin djoega oepatjara peringatan hari Wezak pada satiap taon. Koetika sedikit hari sabelonnja meninggal ia berobat di hos-

pitaal Yang Seng le dan dapet taoe lezing-lezing minggoean dibikin dalem krenteng Kwan Im Tong—Niko, poetoesan mana telah diambil pada sabelonnja ia dipindah ka itoe hospitaal, ia oendjoek menjeselnja dan menjataken kainginannja pada Toean Tjiong Kie Koan soepaja itoe lezing-lezing tinggal teiep diadaken dalem Kwan Im Tong seperti biasa.



Pengoeboran djinazatnja Sienshe Lin Feng Fei, Hweshio kepula
dari krenteng Kwan Im Tong, pada 4 December 1938.

Foto jang dimoeat di atas ini mengasih liat koetika peti mati baroe kaloear meliwin tin pintoe gerbang dari djalanjan jang meneroes ka itoe krenteng dan moelai membiloek di straat Prinsenlaan.

Sam Kauw Gwat Po.

三 教 月 報

*ORGAAN DARI BATAVIA BUDDHIST ASSOCIATION,
SAM KAUW HWE BATAVIA, MENADO,
DAN TELOKBETONG.*

ISINJAINI MAANDBLAD ADA DIOEROES DAN DITANG-
GOENG OLEH REDACTIE „MOESTIKA DHARMA.”

*Harga abonnement per kwartaal f 0,75. Pembajaran dimoeka.
Kaloe berlangganan dirangkep sama Moestika Dharma atawa
Moestika Romans boeat ini maandblad tjoemah tambah per-
kwartaal f 0,50. Harga advertentie boleh berempoek.*

Kantoor Redactie Administratie : Tjitjeroeg, Preanger.

Soesah dan Gampang.

Dari apa jang soedah dioereikan dalem doea nomor jang laloe dari ini madjallah, djadi ternjata bahoea boeat mendiriken satoe Sam Kauw Hwe atawa poen laen-laen pakoempoelan kabatinan ada amat soesah, kerna meminta kasoedjoetan, kagiatan, kapandean, kasabaran dan pakerdja'an jang tida bisa didapet oleh sembarang orang.

Inl kasedaran atas soeker atawa beratnja satoe pakerdjaän, ada sifat jang sanget perloe diamponenja, kerna dengen bøgitoe orang djadi bisa bertindak satjara hati-hati, tida sembarang dan menggampangin sadja, jang mendjadi sebab dari kagagalan.

Ada banjak orang jang tida insjaf kasoekerannja mendiriken satoe Sam Kauw Hwe, lantaran meliat bagimana dalem kalangan Kristen, Islam dan laen-laen, orang bisa mendiriken banjak pakoempoelan-pakoempoelan dan tempat-tempat berchotbah, gredja atawa masdjit dengen serba gampang, bisa berdiri tegoeh, dan segala apa kaliatannja berdjalan sampe børes dan rapih. Djikaloe laen-laen goloitgan bisa

slarin agamanja satjara berhatsil, mengapatah pergerakan boeat memadjoeken Agama Tionghoa, tida bisa hidoeper soeboer? Dengan menaro pertjaja, kaloe sa-**dja** ada jang maoe pimpin gerakan kabatinan Tiong-**hoa** poen bisa madjoa seperli laen-laen agama, maka **banjak** orang jang lantes bertindak dengen tida atoer lebih doeloe persedia'an sampe tjøekoep kerna, mas-**kipoen** merasa pengartian dan kapandeannja belon **sampoerna**, ada diharep kapan itoe pakoempoelan **soedah** berdiri, nanti moentjoel laen-laen orang jang tjakep dan pande boeat bantoe methoendjang.

Itoe pikiran jang selaloe mengandel atas tenaga dan banfoean dari laen orang, djoestroe ada jang paling **tjilaka**, dan sadari doeloe ada mendjadi sebab teroetama dari kagagalannja banjak pergerakan penting dari bañgsa Tionghoa di Indonesia. Maka salandjoetnja, apalagi boeat pakoempoelan kabatinan, orang haroes singkirken biar djaoe itoe matjem pengharepan dan, **aken** gantinja, moesti berani taro kapertjaja'an pada **diri sendiri**. Memang satoe pakoempoelan haroes te-**rima** bantoean dan toendjangan dari orang banjak, lebih banjak ada lebih baek; tetapi itoe orang-orang jang mendiriken haroes djangan mengandel pada apa jang belon tentoe. Djikaloe ada dateng orang-orang laen jang soeka bantoe, memang soekoeer sekalih; djikaloe tida ada, poen tida kenapa, sebab kita sanggoep **herd Jain sendiri**.

Itoe pikiran bahoea pergerakan kabatinan Tionghoa nanti bisa bandingin kamadjoean dari kaoem Kristen atawa Islam, djoega ada sanget keliroe, keuna pendita-pendita Kristen ada terdidik dalem sekola-sekola **agama** darł jang rendah sampe jang paling tinggi, dengan di belakangnja ada sedia fonds jang ampir tida berwates besarnja, hingga selaloe ada mempoenjai tjøekoep orang-orang pande dan tjakep, jang goenaken antero penghidoeppannja meloeloë oentoek

SOESAH DAN GAMPANG.

itoe maksoed sadja. Kaoem Islam di Indonesia poen mempoenjai poeloshan riboe sekola agama atawa pe-santren, jang kadapetan ampir di saban district dan desa-desa, dan mempoenjai djoega sekola tinggi boeat agama, oepama Midrasah El Azhar di Cairo jang termashoer, dimana ada beladjar djoega orang-orang pribumi dari Indonesia.

Sabaliknja Hoaklauw disini tida mempoenjai sekola jang meloeloe mengadjar Khong Kauw atawa Sam Kauw. Kita-orang tida mempoenjai, maski satoe orang poen, jang hidoeprna melceloe boeat lakoeken penjiaran Agama Tienghoa. Malah dalem klen teng-klen teng jang dirawat baek, dimana ada kadapetan hwe-shio atawa Niko jang djadi sabagi padri atawa pendita Buddhist, tida perna dilakoeken chotbah atawa penjiaran tontang maksoed dan toedjoeannja Buddha poenja pelajaran. Antara itoe sakean banjak orang jang biasa dateng sembahjang dan memoedja Kwan Im, sedikit sekalih jang taoe riwajat atawa atsal-oets-soelnya itoe dewi. Marika tjoemah perhatiken sadja oepatjara-oepatjara sabelah loear, sedeng pengartian-nya atas apa jang ada di bagian sabelah dalem ada amat sedikit, djikaloe boekan tida ada sama sekalih.

Maka tindakan dari satoe Khong Kauw Hwe atawa poen Sam Kauw Hwe tida bisa disamain atawa dibandingin dengen pergerakan dari kaoem Kristen atawa Islam. Kita-orang moesti bertindak dalem kalangan baroe sabagi pionier atawa pemboeka-djalan, pakerdja'an mana memang selalqe ada berat dan penekan kasoekeran atawa rintangan. Itoe kasoekeran djadi semingkin bertambah poela lantaran oemoenja orang Tienghoa tida begitoe giat perhatiken philosophie agama seperti jang disiarken oleh Khong Kauw Hwe atawa Sam Kauw Hwe. Pakqempoelan Theosofie, jang soedah bekerdja di Indonesia lebih dari tiga puelogh taon lamanja dengan disertaken organisatie

rapih dan lakoeken propaganda tida berentinja, sampe sekarang leden Tionghoa-nja belon ada doeरatoes !

Sasoeatoe orang jang hendak bekerdja dalem kalangan Sam Kauw, baek boeat Khong Kauw meloeloe, maoe poen boeat Hoed Kauw sadja, haroes insjaf pada ini ka'ada'an. Tetapi itoelah boekan berarti jang gerakannja soedah pasti bakal sia-sia dan tida berhatsil. Sabetoelnja tida ada satoe perboeatan baek jang dilakoeken dengen hati soedjoet dan satjara pande, aken tinggal sia-sia ; hatsil atawa boeahnja *moesti ada*, maski djøega di moeka oemoem tida tertampak atawa kaliatannja sanget tida berarti.

Maka itoe maskipoen boea menjarken Sam Kauw dalem kalangan loeas memang ada amat soeker, tetapi oentoek lakoeken tindak-tindakan perlama jang menoe-djoe ka itoe djoeroesan sabetoelnja tida saberapa soesah, jaitoe kaloe sadja orang mempoenjai kasoedojoetan dan kagiatan, serta bekerdja satjara pande dan hati-hati.

Boekan ada pakerdja'an terlaloe soeker aken tjari tiga atawa ampat kawan jang bersatoe pikiran oentoek sama-sama fahamiken peladjaran agama dari leloehoer sendiri dengen berkoempoel saban minggoe satoe kalih aken perhatiken philosophie dari Khong Tjoe, Loo Tjoe atawa Buddha.

Boekan ada pakerdja'an jang terlaloe berat aken tjari beberapa blas orang jang sanggoep membajar satiap boelan doeа atawa tiga pitjis aken djadi lid dari satoe leesbibliotheek jang adaken boekoe-boekoe dan laen-laen pembatja'an Sam Kauw atawa jang tida bertentangan dengen itoe, oepama dari Theosofie.

Ini tindak-tindakan permoëla'an bisa dilakoeken oleh sasoeatoe orang jang betoel-betoel soekta bekerdja dan maoe bertindak satjara giat.

Djikaloe pamœda-pamoeda, jang toedjoean dan angen-angennja meloeloe boeat plesler, bisa berdiriken

Buddha poenja ampat Kabeneran Moelia.

TENTANG DELAPAN DJALAN OETAMA.

Bagian

PERBOEATAN BENER.

XXIII.

OLEH KWEE TEK HOAIJ.

(Lezing dari Batavia Buddhist Association di Klen-teng Kwun Im Tong, Batavia, pada tanggal 16 Juni 1938 djam 8 sore).

Soedara-soedara,

Dalem beberapa lezing jang laloe saja soedah bi-

di sabaan tempat sakean banjak voetbal, tennis dan badminton club, jang dengen tentoe adaken pertandingan-pertandingan satiap minggoe, malah ada jang satiap hari, maka ada apakah soesahnja boeat tjari sedikit kawan jang soeka perhatiken kabatinan oentoek berkoempoel satiap minggoe satoe kalih? Ada apakah kaberatannja boeat kaloearken doea tiga pitjs saboelan oentoek djadi lid dari satoe loesbibliotheek jang menjediaken roepa-roepa boekoe dan pembatja'an jang berfaedah? Ada apakah halangannja aken leden dari itoe loesbibliotheek dlminta dateng hadlirin pertemoean satiap boelan satoe kalih boeat denger keterangan lebih djaoe dari isinja itoe boekoe-boekoe jang iaorang telah batja?

Ini samoea sabetoelnja ada toedjoean jang *gampang disampeken* kaloe sadja orang betoel-betoel maoe bekerdja aken menjiarken Sam Kauw.

Maka barang siapa ada kandoeng itoe pikiran moelia boeat bikin Sam Kauw djadi tersiar, tida haroes merasa djerih, mengkêrét dan bersangsi, hanja boleh lantes bertindak dengan harepan besar.

Menjiarken Sam Kauw dalem kalangan loeas memang ada amat soesah dan berat, tetapi dalem kalangan ketjil dan berwates sabetoelnja gampang!

tjaraken pandjang-lebar itoe ampat matjem pantangan jang perlœ dipérhatiken oleh siapa jang hendak lakoeken *Perboeatan Bener*. Sabagitoe lama orang masih kasih dirinja terlibet atawa ketarik oleh Kaininginan boeat poenjaken milik laen orang atawa poesken nafsoe satjara tida sah dan melanggar kabédjikan, atawa pandang ringan pada djiwanja sasama machloek, dan tida insjaf kaperloeannja aken djaoehin diri dari segala djedjamoe atawa minoeman jang bisa bikin boetek pikiran, iapoen tida nanti bisa lakoeken Perboeatan Bener sabagimana moestinja, maskipoen kadang-kadang ia ada kandoeng kainginan aken bikin ini dan itoe jang memberi kabaakan. Itoe ampat matjem kakelircean atawa kabodean jang Buddha menasehatin aken kita-orang djaoehken, ada seperti gombolan-gombolan doeri atawa roempoet alang-alang, jang sabagitoe lama masih menoemboe dengan soeboer dalem itoe „lapangan” jang beroepa *batin manoesia*, membuatin boenga-boenga indah dari Perboeatan Bener selama-lamanja tida bisa toemboe atawa, djikaloe terkadang ada djoega jang hidoe dan bersemi, boleh dipastiken tinggal *koeroes* atawa *tida bisa soeboer*, kerna dihalangin oleh itoe segala tetemboean jang tida bergenra. Maka sabagi djoega satœ toeckang kebon, jang ingin iapoenja poehoen-peehoen kembang, sajoeran, poehoen boeah atawa poen sawah-sawah, tinggal soeboer dan memberi hatsil bagoes haroes tida berentinja berdaja aken kored atawa tjaboetin, babat dan singkirin itoe segala gombolan, roempoet dan alang-alang jang meroesak, soepaja itoe taman, kebon atawa sawah tinggal bersih, begitoe poen manoesia jang hendak Berboeat Bener selaloe moesti berdaja akèn singkirin segala apa jang bisa mendjoeroengin aken ia berlakoe jang sabalikna dari bener. Djadinja itoe pantangan diri Buddha, kapan kita-orang pikir dan timbang, ada kaharoesan jang

LEZING-LEZING DI KWAN IM TONG.

sawadjarnja dan menoeroet djalannja Natuur. Disini tida ada apa-apa jang bersifat resia, jang berdasar atas toedjoean aken mengedjer *kasoetjian*, atawa membe-ri harepan soepaja terbebas dari *siksaän naraka* dan bisa *masoek di sorga*. Orang jang toeroet betoel itoe ampat matjem pantangan dengen sendirinja djadi *ter-bebas* atawa tida aken lakoeken lagi perboeatan jang salah atawa berdosa, lantaran mana ia djadi merdika dan laioesa aken lakoeken Perboeatan Bener dalem artian jang paling sampoerna.

Sekarang biarlah saja andehin itoe ampat matjem pantangan kita soedah tjotjok pikiran aken djalanken; maski pertjobaan kita masih djaoeh dari sampoerna, dan banjak bagian jang kita belon bisa toeroet saba-gimana moesti, tetapi sedikit dengen sedikit, satoe per satoe tindak, kita-orang madjoe teroes boeat djaoehin diri dari itoe segala perboeatan jang bodo, keliroe dan tida bener. Tetapi ini perijoba'an tjøemah boleh dipandang sabagi *tindak permoela'an* boeat lakoeken Perboeatan Bener. Ka'ada'nnja mirip dengen sa-orang tani atawa toekang kebon jang bersihin itoe tanah dari segala tetoemboean jang tida bergenäa, roempoet doeri dan alang-alang, soepaja bisa ditanem bhibit atawa tjangkokan dari poehoen-poehoen jang berfaedah. Tetapi djikaloe sasqedahnja dibersihin ia lantes tinggal diam, itoe bhibit atawa poehoen jang berfaedah tida disebar atawa ditanem dalem itoe tanah jang soedah bersih, lama-lama itoe segala gom-bolan doeri dan alang-alang aken *toemboe kombali*. Maka itoe Buddha membilang, kita-orang boekan sadja *djang an berlakoe djahat*, hanja *koedoe berboeat baek*.

Ada banjak pemboenoeh, perampok, pentjoeri dan penipoe, jang disekep bertaen-taon dalem pendjara, pada wakoe mana ia tida dapet kasempetan aken lakoeken lagi perboeatan jang salah dan berdosa, tetapi begitoe lekas hoekoemannja abis dan ia dilepas dari

pendjara, lantes maelai oelangin poelah itoe matjem kaseataan. Inilah ada dari lantaran, sedeng dalem itoe sakean taon salagi mendjalanken hoekoeman ia tida berboeat djahat, ia poen tida tjoba lakoeken atawa pikirken apa-apa jang bisa bikin dirinja gemer aken Berboeat Baek atawa Berlakoe Bener. Maka kaloe tjoemah tida bikin kadjahatan apa-apa masih belon tjoekoept, kapan orang tida berdaja atawa beroesaha aken tjoba lakoeken Perboeatan Bener.

Itoe ampat matjem pantangan, seperti saja bilang tadi, ada *persedia'an* aken orang berboeat baek atawa bener, tetapi di sabelahnja itoe masih ada lagi laen-laen halangan jang membikin saorang baek, djoedjoer dan tida kouwkati, masih sering gagal dalent pertjoha'an-nya aken lakoeken itoe Perboeatan Bener, hingga maskipoen ia ripoeh bekerdja satengah mati, hatsil atawa bosahnja boekan sadja amat sedikit tetapi djoega terkadang memberi kasoadahan djelek, jaitoe *meroegiken* dan *menjoesahken* pada banjak orang lantaran ia soedah bertindak salah atawa lakoeken kakeliroean maski djoega tida dengen sengadja. Maka Pengartian dan Pikiran Bener ada perloe sekalih diampoenjai oleh sa-soeatoe orang jang hendak lakoeken Perboeatan Bener, soepaja bisa mengenal dan membedaken boekan sadja antara perboeatan jang *berfaedah* dan jang *tida bergoena*, tapi djoega antara jang kafaedahannja sedikit dan kagoena'annya *banjak*, dan antara jang kaliasannja dari locar bagoes dari menarik tetapi *kosong*, dengen jang tida terkenal, tida goemilang, tida diketaoei orang, tetapi *hatsil* dan *kafaedahannja tida oesah disangsiken*.

Lantaran belon bisa memilih dari membedaken, maka dimana-mana ada banjak orang jang pande, soedjoet, djoedjoer dan kandoeng Ingutan baek aken kasih tenaganja boeat menoeloeng sasama machloek, soedah kena terdjeroemoes dalem pakerdja'an jang sia-sia, malah meroegiken pada orang banjak. Saba-

LEZING-LEZING DI KWAN IM TONG.

gian dari itoe kakeliroean ada dari lantaran hatinj lemah, gampang diboedjoek dan dipengasoehin oleh sobat-sobat, oleh orang banjak atawa anggepan oemoem, jang menjérét padanja ka djoeroesan mengedjer poedjian atawa mentjari popularity. Sabaliknya dari oeroesin sadja satoe doeа pakerdja'an jang soedah dipikir mateng kafaedahannja dan toengkoelin itoe dengen giat sampe berwoedjoet, ada banjak orang jang beringeten baek soedah tjeboerin diri dalem satoe dozijt atawa lebih pergesakan-pergerakan jang toedjoeannja seliwateran, dengen tida ada satoe jang ia kardjain sampe beres lantaran tempo dan tenagaanja terpetjah ka beberapa djoeroesan. Ia tjam-poer dalem pergoeletan antara party-party politiek jang bermoesoehan dan saling tjakar boeat pereboetin pépesan kosong; ia doedoeck dalem samoea comite mala jang bekerdja saliwateran dan dimana sabenernya soedah ada poeloehan atawa ratoesan orang jang sanggoep ambil bagian; ia kedjer segala impian dan angen-angen kosong jang sabetqelnja belon temponja boeat dikerdjain kerna tida ada bahan dan pembantoe jang tjakup boeat bisa diwoedjoetken; ia liwatin sa-bagian besar temponja aken pikir boeat bikin astana-astana besar, sedeng satoe *goeboek ketjil* ia masih belon mampoeh berdiriken; ia karang rentjana aken bikin satoe taman besar jang indah, sedeng ia sendiri belon perna patjoel atawa bersihin satoe meter pesegi tanah jang bisa ditanemin salah-satqe poehoen jang hendak dipake meriasin itoe taman. Baroe sadja satoe maksoed jang menggoembirahin hatinj ia ker-djain sabentaran, lantes pikirannja ketarik sama laen gerakan baroe jang kaliasannja lebih populair, ka dalem mana ia lantes tjeboerin diri dengen tida perdoe-liken lagi pada jang lama. Tjara begitoe, maski *saoe-moer hidoe* ia kaliasan bekerdja teroes dengen sanget tjape, pajah, ilang tenaga, tempo dan oewang, tetapi

hasil atawa bebolehamija kabanjakan tida berarti, kerna ia kasih dirinja didjadiken barang permaenan dari sobat-sobat jang menjérét ia ka segala djoeroesan.

Maka itoe botat melakoeken Perboeatan Bener orang moesti mempoenjai kakerasan dan katetepan hati aken mendedjoe ka satoe djoeroesan jang pasti dan tentoe. Dalem segala oeroesan télikébengék ia bersedia aken mengalah dan tida ambil poesing, tetapi dari apa jang ia soedah pikir baek dan bener, ia tida bolah mengiser, biarpoe dirinja moesti menjadi korban dari koerang senang atawa tjelahannja orang orang bodo jang tida bisa mengarti dan menaro harga pada itoe tædjoean. Tentang ini matjem sikep, dalem boekoenja Krishnamurti, *Di Kakinja Goerœ Soetji*, ada dibilang :

„Tjobalah tjari taoe apa jang berharga dikerdjaken ; dan inget bahoea kaoe tida moesti menimbang dari besarnya itoe pakerdja'an. Satoe perboeatan ketjil jang dengen langsoeng memberi kafaedahan dalem pakerdja'nnja Goeroe Soetji, ada *djaoe lebih berharga* aken dilakoecken dari-pada satoe perboeatan besar jang doenia namaken baek.”

Dan lagi :

„Maskipoen kaeo tjoba lakoeken pakerdja'an jang lebih tinggi, djangan kaoe loepa pada kaoe poenja pakerdja'an jang biasa, sebab sabelonnja itoe bisa selesé kaoe tida merdika aken pegang laen matjem pakerdja'an. Kaoe djangan terima lagi pakerdja'an baroe jang berhoeboeng pada kadoenia'an ; tetapi apa jang kaoe soedah pegang kaoe haroes penoehken dengen sampoerna — samoea pakerdja'an jang *kaoe sendiri liat sampe terang dan pantes*, jaitoe boekan kawadjiban jang tjoemah ada *dalem pikiran*, jang *laen-laen orang tjoba djoeroengin padamoe*.”

Ini perkata'an jang paling belakang ada penting sekalih, sebab menoeroet kabiasa'an oemoem, kapan

satoe orang kalianan pande, djoedjoef giat dan „djiatsiem”, lantés dari sana-sini dateng perminta'an, boedjoekan dan desekan boeat iapoenna bantoean dengan tida perdoeli apa pakerdja'nnja ripoeh dan temponja tida sjokoep atawa prioeck nasinja bisa terbalik. Orang jang koerang tetep hati, lantaran phaysengkie, biasa terima dirinja disérèt ka kanan-kiri, boekan sadja oleh pemimpin dari berbagi-bagi gerakan jang tida karoean djoentroengannja, tapi djoega oleh sobat-sobat jang adjak plésier, menenamoe, djalan koelilingan dan sabaginja, hingga pakerdja'an sendiri jang perloe dan ada di depan mata telah ditelantarin.

Saorang jang hendak lakoeken Perboeatan Bener tida kasih dirinja dipengaroehin oleh siapa djoega aken terima pakerdja'an jang boekan djadi kawadjibannja. Sabaliknja kapan meliat satoe oeroesan jang tjetjok dan berharga aken ditjampoer, sa mādjoe ka moeka dengen tida bersangsi dan zonder diminta atawa diboedjoek lagi, dan satoe kalih toeroen tangan ia tida tinggalken satengah djalan. Dengan begtoe sasoeatoe perboeatannja moesti meninggalken bēkas jang njata, dan sekalihpoen gagal, ia tida bisa menjesel sebab soedah penoehken kawad jibannja.

Boeat bisa djalanken ini matjem Perboeatan Bener, orang moesti djangan pikir dan perdoeliken pada tjełahan atawa poedjian, oentoeng dan roegi, berhatsil atawa gagal. Ia berboeat baek aken goena pri kabaeikan, boekan beeat dapet poedjian, pembalesan atawa pernjata'an terima kasih. Ia tida kandoeng maksoed tersemboeni goena kaoentoengan atawa kabaeikan diri sendiri, dan dari sebab maksœdnja bersih, maka tida ada penjeselan atawa rasa kedoehoeng jang biasanya mengikoeti di belakangnja orang jang berboeat baek dengan harepin apa-apa.

Manoesia memang tida bisa berlakoe bener selama-nja. „To err is humane,” kata Shakespeare. Berboeat

kasalahan ada djamaknja manoësia. Tetapi saorang jang ingin lakoeken Perboeatan Bener bisa bikin kasalahan dengan zonder berdosa kapan toedjoean atawa maksoednja ada baek dengen tida mengandoeng sifat kouwktati atawa oetamain kapentingan sendiri.

Boeat bisa oerœs pakerdja'an jang djadi iapoenna toedjoeant dengen sabaek-baeknja atawa sarapih-rapihnja, maka ia haroes koempoel tempo dan tenaganja boeat *itoe hal sadja*, dan tolak ka samping segala apa jang boekan mendjadi kawadjibannja. Djoega ia moesti biasaln dirinja aken djangan soeka tjampoer taoe laen orang poenja pakerdja'an dan kawadjiban, katjoeali djikaloe diminta pikiran atawa nasehatnja. Tida perdoeli itoe pakerdja'an jang ia oeroes tida ada artinja, kapan ia selaloe bikin dengen rapih dan sampoerna, dan taro perhatian penoeh, pastilah memberi hatsil menjenangken. Kita orang toch merasa senang meliat kapan kita poenja boedjang menjapoe dengen begitoe bersih hingga tida ada sapotong roempoet atawa sakeproel deboe jang katinggalan. Dan saoe orang jang mempoenjai kabiasa'an aken bekerdja rapih dalem oergesan ketjil, ialah boleh dibilang soedah moelai mengindjek ka itoe Djalan Oetama jang Ka'ampat tentang Perboeatan Bener, kerna sasoeatoe pakerdja'an jang tida beres, koesoet, kepalang-tanggoeng atawa ditelantariin satengah djalan, tida bisa dibilang *bener*. Maski sekarang pakerdja'nnja kaliasan tida berarti, tapi di satoe tempo, kapan ia moesti oeroes apa-apa jang besar dan penting, itoe kabiasaan aken berlakoe dengen rapih dan sampoerna pastilah nanti memberi hatsil jang bagoes. Dan boeat dapat kamadjoean batin memang orang moesti radjin, terliti, giat, sabar dan tida pembosenan aken bedjar, mengesoet dan mentjari taoe, dengen koem-poelken perhatiannja ka satoe djoeroesan sadja.

Brangkalih ada jang nanti pikir, kapan satoe orang

tjoemah perhatiken sadja pakerdj'a'nnja sendiri jang mendjadi kawadjibannja, dengen tida maoe taoe laen-laen oeroesan dan tida soek'a ambil perdoeli orang jaen poenja perkara, ia nanti menjasar ka djoeroesan kouwkati, jaitoe hidoep goena diri sendiri sadja. Int memang betoel djikaloe dengen itoe sikep ia tida kandoeng maksoed atawa toedjoean baek, hanja meloeloe bekerdja oentoek kaoentoengan atawa kapentingan diri sendiri. Tetapi kapan satoe moerid sekola asingin diri dari kawan-kawannja aken fahamken peladjaran jang ia belon mengarti di dalem kamar jang soenji — siapakah bisa bilang ia kouwkati? Kapan satoe pegawe tida pergi menonton, tida kaloear djalan-djalan, hanja mendekoel sampe lat di dalem kantoor aken seleseken pakerdj'a'an jang katinggalan — apakah itoe namanja kouwkati? Djikaloe Thomas Edison bekerdja satiap hari 18 djam, tjoemah tiga djam tidoer, tida perna berkoendjoengan pada sobatsobat afawa plesier djalan-djalan, tida hadlirin vergadering atawa pesta, kerna ia asik pikirin barang pendapetan baroe jang memberi kafaedahan pada manoesia — apakah bisa dibilang kouwkati?

Djikaloe sa'ande ada orang jang tjeleah itoe sikep dan pandang kouwkati, kita orang boleh mandah tertawa, dañ malah di dalem hati haroes merasa kasian pada kabodoannja, kerna itoe orang jang tida hargaken tempatja, atawa pandang ringan pada pakerdj'a'an atawa kawadjibannja jang diantepin sadadinja sadja, boleh dipastiken satoe koetika aken alamken *kogagalan* atawa *kasoesahan* jang menjedihken.

Djadinya, oentoek orang biasa, sabagi tindak permoela'an aken mendjalanin Perboeatan Bener, boekan sadja moesti lakoeken pakerdj'a'an jang mengandoeng sifat dermawan, tapi djoega apa jang hendak dikerdjain ia haroes djalanken dengen soenggoe hati, seperti anak sekola fahamken dengen giat peladjarannja,

sebab ini nanti memboeka djalan boeat ia dapat kamadjoean besar di hari komoedian.

Bagi orang jang hendak mentjari kamadjoean batin, itoe jang dibilang Perboeatan Bener boekan sadja jang *baek dan berfaedah* tapi djoega jang *tida mengandoeng sifat kouwktati*, tida ingin dapat pembalesan, poedjian atawa oetjapan terima kasih.

Bagi golongan jang soedah berada di tingkatan tinggi, itoe Perboeatan Bener moestii *bersifat oemoem*, tida goena satoe golongan sadja, serta tida memandang *sobat* atawa moesoeh, dan dipilih jang kabaekan atawa kafaedahannja tida oesah disangsiken lagi, dan kapan bisa haroes dikerdjaken dengan diam-diam soepaja tida ada orang dapat taoe.

Dengan begitoe soedara-soedara bisa liat, toedjoean dari ini Perboeatan Bener, kapan soedah sampe di poentjak jang paling tinggi, ada boeat kabaekan dan *kaselametan* samoea machloek rata-rata, seperti djoega sifatnya laen-laen Djalan Ozlama jang dioendjoek oleh Buddha.

Selamat malem.

XXIV.

(*Lezing dari Batavia Buddhist Association di Klen-teng Kwun Im Tong, Batavia, pada tanggal 21 Juni 1938 djam 8 sore*).

Soedara-soedara,

Di dalem lezing jang laloe saja ada bilang bahoea saorang jang hendak lakoeken Perboeatan Bener fa moesti :

1. Oeroes dengan beres dan sampoerna apa pakerdja'an jang menjadi iapoенja kawadжiban jang sah.

2. Memegang satoe halosan atawa toedjoean jang tetep dan pasti, dan djangan gampang kasih dirinja keseret ka kanan-kiri oleh orang banjak atawa kena

LEZING-LEZING DI KWAN IM TONG.

dipengaroehin oleh familie dan sobat-sobatnya jang hendak adjak ia menjimpang atawa maoe soeroe ia pegang laen pakerdja'an jang koerang penting.

3. Saberapa bisa djangan maoe tjampoer laen orang poenja oeroesan, hanja perhatiken sadja pakerdja'an sendiri jang ada di hadepan mata, dan djoega djangan radjin beri pikiran atawa nasehat tentang soeal-soeal jang ada di loear dari kawadjibannja katjoeali djikloe diminta.

Ini tiga pokok dasar boeat Berlakoe Bener saja pikir ada gampang sekalih timboeiken salah mengarti dan bisa mendjoeroengin orang ka djoeroesan kouwkati kapan tida diterangkan lagi dengan lebih djelas.

Oepama, di mana-mana tempat ada kadapetan orang jang hidoep terpisah dan selaloe djaoehin diri dari segala pergerakan atawa pakoempoelan, tida perdoeli jang bagimana baek dan berfaedah; ia tida soeka dateng kapan diondang boeat toeroet dalem vergadering, selaloe menolak aken djadi lid atawa donateur, hidoep dengan sanget pelit dan sekaker, tapi pakerdja'annya selaloe madjoe dan ia bisa djadi hartawan dan koempoelin banjak oewang, lantaran ia toengkoelin dan pegang kawadjiban dalem dagangan dengan betoel dan terliti, tida perna sia-siaken tempoinja boeat oeroesan loear, baek jang bergoena atawa poen jang sia-sia. Dan ini sikep boekan sadja didjalanken oleh ia sendiri, hanja djoega oleh anak-anaknya, jang dilarang tjampoer kong-ek atawa ma-soek pakoempoelan, hanja disoeroe bantoe dalem roemah, beladjar oeroes pakerdja'an, berdagang atawa tjari doeit, soepaja bisa pande dan berhatasil seperti ajahnja. Malah kapan diondang oleh orang jang bikin pesta mengawinken dan laen-laen karaja'an, poen ia djarang dateng djikaloe tida keliwat rapet atawa terpaksa oleh rasa phaysengki. Dan kapan orang tegor, ia selaloe menjaoet „bo-ong atawa repot

sama pakerdja'an," dan ini alesan ada dengen sabenrnja, sebab ia selaloe tambah pentjariannja, apa sadja jang dirasa bisa mengoentoengken ia lantes kerdjain, hingga ia ampir tida poenja tempo jang kalebihan. Tapi djoestroe lantaran itoe maka sabagi soedagar ia telah dapet kamadjoean dan berhatsil bagoes. Oleh firma-firma dan bank-bank ia dapet kapertijaja'an besar, sebab ia belon perna bikin soesah pada crediteurs, sasoeatae penagian ia lantes bajar dalem temponja jang betoel, dan ia bisa djoega lepas oetang pada banjak orang, pada sekalian langganannja ia bisa berlakoe adil dan moerah hati, kapan ada jang dapet soesah ia bisa kasih kalonggaran, tida soekta menggentjét atawa memaksa, sedeng pegawenja poen ada banjak dengen dibajar gadji partes, hingga ada ratoesan orang jang dapet penghidoepan dalem iapoenna peroesaha'an. Djadinja sabagi soedagar namanja ada *wangi* dan *tida bernoda*, dan sabagi tauwkee atawa madjikan ia poen *tida bisa ditjelah*, hingga pegawe-pegawenja djarang jang menjomel.

Sekarang haroes ditanja — orang jang begitoe tabeat dan perboeatannja, apakah bener atawa salah ? Tjobalah soedara-soedara toeloeng kasih djawaban.

(*Beberapa orang jang hadlir menjataken pikirannya* : Ada jang biłang itoe orang sabagi soedagar ada berboeat bener; ada lagi jang anggep masih koerang bener sebab ia ttda kandoeng pikiran boeat menoe-loeng sasama manoesia di loear dari oeroesan dagang, dan tida kandoeng angen-angen atawa toedjoean tinggl. Oemoemnja kabanjakan jang merasa sangsi boeat tjelah itoe soedagar poenja perboeatan, dan tjoemah satoe doe jang dengan pasti menjataken itoe matjem sikep ada keliroe dan tida bener, kerna toedjoeannja tjoemah boeat tjari doeit meloeloe, perboeatan mana haroes diseboet kouwkti).

Inj soek, soedara-soedara, memang tida gampang

ditelepon. Antara sifat kouwkatı dan tida kouwkatı, ada soesah sekalih dikentaraan wates dan garisannja, jang boekan sadja ada amat samar, tetapi djoega perbedaanja begitoe ketjil, hingga kapan orang mengiser sedikit sadja, satoe perboeatan jang „tida kouwkatı” lantes berubah djadi „kouwkatı.” Inilah ada seperti apa jang Omar Khayyam bilang dalem sjairannja:

Salembar Ramboet brangkalih memisahkan Pri Kapalsoean
dan Kabeneran.
Ja; dan tjoemah satoe hoeroef Alif jang djadi sabagi iapoe-
nja Koentji —
Kaloë sadja kaoe bisa dapetken itoe — aken masoek ka Roe-
mah-hakaja'an,
Dan siapa taoe brangkalih kaoe bisa ketemoeken djoega itoe
Goeroe Soetji.

Dalem ini sjairan Omar Khayyam bilang, antara Kabeneran dan Kapalsoean brangkalih tjoemah terpisah saramboet sadja, dan kapan orang bisa dapat koentjinja, boekan sadja ia nanti bisa masoek ka dalam itoe „goedang haria” dari pengartian batln, tapi djoega brangkalih ia bisa ketemoeken pada itoe Goeroe Soetji, pada itoe woedjoet dari Kabeneran.

Buddhisme poenja „koentji” dalem soeal-soeal jang samar dan roewet samatjem ini jaitelah *Pengartian* dan *Pikiran Bener*. Kapan ini kita soedah dapat, nanti kita bisa liat, taoe atawa merasa sendiri, perboeatan bagimana jang termasoek *kouwkatı* dan jang bagimana *tida kouwkatı*.

Tetapi boeat orang-orang biasa, jang pengartian dan pikirannya masih belon sampoerna, di dalem golongan mana kita samoëa ada teritoeng, ada perloe djoega boeat dikasih keterangan dan pengoendjoekan dalem soeal-soeal jang samar dan soelit, seperti itoe tjonto jang saja toetoerken baroesan.

Itoe matjem orang jang ditjeritain tadi — jang ba-

njak kadapetan di mana-mana — sabagi *satoe soedagar* ia boleh dibilang sqedah *Berlakoe Bener*; jang ia tjoemah perloein sadja pakerdja'nnja sendiri itoe poen tida haroes ditjelah. Tetapi sabagi *manoesia* itoe matjem sikep masih *banjak kakverangannja*, sebab *toedjoean* hidoepr dari manoesia boekan tjoemah boeat mementingken sadja dirinja sendiri, hanja moesti berdaea aken mentjari kamadjoean batin jang hanja bisa didapet kapan ia bisa loepaken itoe sifat kouwkat — maski boekan sa'anteronja, tapi djikaloe tempo-tempo ia ada pikir boeat toedjoeken perhatiannja *ka*
djoeroesan laen dari mentjari oewang, ini soedah boleh dibilang „*bagoes*” sabagi tindak permooela'an.

Itoe tiga matjem sikep boeat lakoeken Perboeatan Bener — djalanken kawadjiban biar sampoerna, pegang *satoe* *toedjoean* jang tida gampang mengiser atawa menjimpang, dan djangan tjampoer laen orang poenja oeroesan jang boekan djadi kawadjiban kita — maksoednya jang teroetama ada boeat orang jang hendak mentjari *kamadjoean batin*, jang tida berdasar atas kouwkat. Dan kapan soedara-soedara soedah *taoe* dan bisa djalanken dengen betoel itoe tiga matjem pengoendjoekan, soedara-sqedara nanti liat dengen njata bagimana besar kafaedahannja jang bisa dipetik dan di-itjipin dengen lantes sekarang djoega. Sebab djikaloe kita pereksa dengen terliti apa jang *kita-orang* berboeat satiap hari di loear dari pakerdja'an biasa, nanti kataoean bagimana sabagian dari kita poenja pikiran, tempo dan tenaga, digoenaken boeat oeroesin, omongin atawa pikirin apa-apa jang, djikaloe boekan sia-sia atawa tida bergenra, sedikitnya boleh *traoesah diperdoeliken* — tegesnya: kita tida jadi bersalah atawa berdosa djikaloe kita tida maoe *oerdes*, tida soeka omong atawa pikir, pada itoe samoea.

Sabagi djoega *satoe* orang jang ingin poenja milik

berharga tida boleh lojar dengen oewang atawa kahatsilanuja jang haroes dikoeempoel boeat beli itoe barang jang dikenangin, begitoe poen siapa hendak mentjari pengartian batin atawa kamadjoean rohani haroes *himatken* tempo dan tenaganja soepaja tida terboeang sia-sia. Seperti orang biasa jang poenja roemah tangga memang kita moesti bekerdjia boeat mentjari makan, dan terkadang ada satoe koetika dimana, dengen zonder sengadja, kita terpaksa moesti toemplekin antero tenaga dan perhatian kita pada itoe pakerdja'an sadja, dari mana kita dan sekalian familie dapet penghidoepan. Tetapi saorang jang soedah ambil poetesan tetep boeat beladjar ilmo batin, biarpoen ia teriket oleh pakerdja'an doenia jarig mengenaken kapentingan sendiri dalem tempo jang lama, ingetannja *tida berobah*; ia tinggal insjaf atas kafaedahannja itoe toedjoean jang ada dalem angen angennja, dan begitoe lekas temponja soedah moelai senggangan, ia lantes kedjer kombali itoe maksoed jang sakean lama ditoenda. Dan boeat ini matjem orang, itoe tempo, pikiran dan tenaga jang ia himatken dari laen-laen oeroesan jang koerang perloe, membikin lebih gampang boeat ia sampeken itoe maksoed jang satoe, jang ia taoe betoel ada baek dan berfaedah.

Djoega saerang jang begitoe, kapan sa'andenja ia sendiri ada dapet roepa-roepa halangan jang membikin ia tida bisa lakoeken apa jang berada dalem angen angennja, nanti berdaja boeat mengandjoerin pada laen-laen orang jang dirasa tjotjok aken mendjedjoe ka djoeroesan jang saroepa. Oepama, djikaloe ia pikir ada baek dan berfaedah boeat membantoe atawa tjampoer pada satoe pakoempoelan, maski ia sendiri terhalang oleh karepotan pakerdja'an, ia nanti soeroe soedara, anak atawa laen-laen familie dan sobat-sobatnya boeat membantoe apa jang marika bisa. Ini

ada laen djaoe sama sikepnja itoe soedagar jang *melarang* anak-anaknya tjampoer kong-ék !

Memang tida samoëa orang jang mempoenjai maksoed dan angen angen baek bisa lantes sampeken segala niatannja. Dalem penghidoepan selajoe ada sadja apa-apa jang mengganggoe dan menghalangin kita-orang poenja kainginan, biarpoen jang baek dan berfaedah, oepama karepotannja pakerdja'an, kasokeran oewang, kasoesahan dalem familie, terganggoenja kasehatan, dan laen-laen lagi jang sering dateng ganti-berganti, dan malah kapan saorang lagi apes, itoe gentjetan berdjalanan teroes dalem tempo jang lama, dan ada djoega jang sampe *saoemoer hidoe*. Tetapi saorang jang mengandoeng maksoed baek ti-da nanti bisa ditindes oleh itoe segala ganggoean dan kasoesahan beglœe roepa sampe ia tida bisa kasih kentara maski sedikit djoega apa jang ada dalem hatinja. Kapan ia saorang miskin, tapi hatinja dermawan, maski sadjoemblah ketjil ia nanti menderma pada orang jang perloe ditoeloeng. Biarpoen ia djarang melantjong lantaran teriket keras oleh pakerdja'an, tapi ia sedia akèn menoeloeng sabisanja pada orang-orang jang beräda di sapoeterija atawa jang tinggal deket padanja. Maski ia tida bisa koendjoengin vergadering boeat memberi pikiran jang berfaedah, ia nanti oetaraken itoe pada orang-orang jang sering dateng omong-omong padanja. Dengan pendek: kapan di satoe tempat ada satoe soember jang bagoes, maski disiloe tida ada soemoer, atawa pantjoeran akèn itoe aer mengalir, orang bisa dapat liat dari soeböernja itoe tanah di sapoeterija jang dibasahiin oleh itoe aer jang beräda di dalemnya.

Inilah, soadara-soedara, ada laen sekalih sama orang jang toengkoelin pakerdja'an sendiri dengan toedjoean kouwkati, tida pikir apa-apa jang boekan berhoeboeng sama kapeutungan sendiri. Maski dari *sabélah loear*

LEZING-LEZING DI KWAN IM TONG.

kaliatan itoe doeang orang bersikép sama — tida perna tjampoer kong-ek, tida djadi lid pakoempoelan, tida perna menderma — tetapi kapan dipereksa dari deket ada *herbeda djaoe*. Itoe orang jang kouwkati, djalanken sikepnja dengen *sengadja* dan tida mendoesin jang itoe ada keliroe, sedeng orang jang tida kouwkati berboeat begitoe lantaraat *terpaksa oleh ka'ada'an* sedeng toe-djoeannja aken lakoeken kabaekan tida berubah. Orang jang pertama, kapan ada kaledihan tempo, nanti di-goenaken oentoek kasenangan sendiri, oepama koendjøengin iapoenna goendik, pergi plesier koelilingan, berdjøedi dengen kawan-kawannja jang hartawan dan tornama, dan laen-laen pakerdja'an jang sia-sia, sedeng orang jang belakangan — jang kandoeng angengan baek — lantes berdjaja oentoek *djalanken toe-djoeann ja* itoe.

Boeat saorang biasa, itoe tiga peladjaran, boeat himatken tempo dan tenaga dengen menjingkir dari segala pakerdja'an jang tida perloe, poen ada penting sekalih, dan begitoe lekas moelai didjalanken, kafaedahannja bisa dipetik *dengen lantes*!

Oepama, ada banjak orang kapan poelang bekerdjé atawa toetoep waroeng atawa toko, sering merasa „iseng“ dan liwatin temponja dengen mendongeng di roemah salah-satoe sobat atawa di waroeng kopi, menonton atawa pergi djalan-djalan. Ada banjak orang prampean jang kapan soedah atoer beres oeroesan di dapoer boeat kaperloean sahari-hari, telah liwatken temponja dengen berdjøedi, sebab, katanja, „di roemah sempet, tida ada kerdja'an apa-apa.“

Tetapi kapan dipereksa dengen betoel, itoe orang jang mengakkoe „èng-èng“ atawa „lagi sempet“, hingga diam di roemah rasanja „kesel, tida ada kerdja'an apa-apa“, maka „dari pada menganggoer lebih baek djalan-djalan“, — iaorang sabetoelnja tida begitoe sempet seperti jang marika bilang atawa kira. Itoe

lelaki, di atas medja toelisnja ada terletak boekoe jang ia ingln batja tetapi „belon keboeroe, sebab tida sempet sadja!“ Di latjinha ada beberapa soerat, antara mana ada djoega jang penting, jang ia „belon sempet bales!“ Boekoe dagangan atawa tjatetan ongkos roemah tangga, soedah doeа tiga minggoe belon dimasoekin atawa diheresin sebab „tida keboeroe **dipegang!**“ Barang jang ia atawa familienja soedah lama sekalih perloe pake, sampe liwat beberapa minggoe masih belon dibeli, sebab „tida ada tempo aken pergi ka toko!“ Almanak di roemahnja soedah satoe minggoe *kaloepaan* disobèk! Lontjeng jang djalannja ngatjo soedah satoe boelan tida dibetoelin atawa diakoerin. Fiets dan spatoenja jang berlepotan loempoer, topinja jang penoeh deboe, kamarnja jang banjak kabangan, medja toelisnja jang bertoempoek se-gala kertas tida karoean, samoëa tinggal diantepin sadja, lantaran „*belon sempet* diberesin dan dibersihin!“ Bak kamar mandinjā jang botjor, lampoe listrik jang kawatnja roesak, solokan jang aernja mandek hingga **djadi sarang njamoek**, samoëa tida diperdoeliken, sebab „*belon sempet* panggil toekang!“

Dan bagimanakah dengen si njonja roemah jang liwatken sabagian dari temponja aken berdjoedi atawa mengobrol sama tetangga sebab katanja „di roemah tida ada kerdjaän apa-apa?“

Orang moesti liat bagimana djidji sapoenja dapoer tempat masak jang belon perna ditjoetji! Orang moesti saksiken lemari pakeannja jang tsinjha adoek-adoekan seperti sarang tikoes lantaran tida perna diberesin! Orang moesti oesap medja dan korsinjā jang penoeh deboe sebab tjoemah dibersihin dan ditjoetji *satiap taon satoe kalih wakoe maoe Tjiagwee!* Pereksalah pendjaitannja, berapa banjak pakean boeat dirinja sendiri atawa anak-anaknja jang belon beres didjait! Dan kapan ia ada saorang mampoeh dan

segala apa ada dikerdjain oleh boedjang-boedjang, orang moesti liat bagimana itoe baboe dan jongos liwatin sabagian temponja dengen menganggoer atawa bekerdja maen-maen sebab tida ada njonja roemah jang kasih perentah dan tilik pakerdja'annya.

Memang tida samoea orang soeka berlakoe alpa boeat oeroes roemah tangganja. Malah ada banjak djoega roemah dari orang miskin jang tida mampoech piara boedjang tetapi dirawat begitoe resik hingga menjenangken siapa jang liat. Tetapi itoe kaberesan fjoemah bisa tertijpta lantaran ada *tangan* jang mengerdjain, dan *pikiran* jang perhatiken teroes-meneroes. Maka kapan satoe roemah tangga serba kaloet dan mosoem, tapi si toean dan njonja roemah mengakkoe „sempet” dan bisa liwatken sabagian dari temponja aken berdjoedi, mengobrol atawa djalan-djalan koeling, itoelahi tandanya iaorang soedah *tida perhatiken kawadjiban jang sah*, kasih dirinja dipengaroehln oleh sobat-sobat jang adjak *menjimpang* ka laen djoeroesan, hingga loepa aken oeroes pakerdja'an jang ada di depan mata.

Ini keterangan sakedar mendjadi tjonto jang saderhana dan gampang dimengarti tentang kabekannja kapan orang perhatiken itoe pelajaran jang dimaksoedken dalam itoe tiga atoeran boeat melakoeken Pakerdja'an Bener. Tetapi dengen ini pengendjoekan saja harep soedara-soedara djangan ada jang pikir, laen minggoe akoe tida oesah dateng denger lezing di Kwan Im Tong sebab moesti balesin soerat jang soedah tertonda lama, beresin boekoe, atawa fahamken pelajaran jang belon apal. Di sabelahnja pakerdja'an sahari-hari jang mengenaken kaperloean boeat diri sendiri, orang tida boleh alpañ djoega kapentingan rohani, jang sabatoelna ada lebih oetama dari pakerdja'an biasa. Maka boeat tetepken apa jang berharga boeat diperhatiken dan apa jang boleh traoesah

diperdoeliken, itelah ada bergantoeng pada pendapatan masing-masing orang sendiri hingga tida bisa dibilang pada satoe orang ia moesti tjampoer oeroesan ini dan djangan perdoeliken oeroesan itoe. Tjoe-mah saqrang jang soedah moelai poenjaken itoe Pengartian dan Piliran Bener, ia nanti bisa *pilih sendiri* apa jang *perloe* dan *tida perloe* diperhatiken, apa jang moesti dioeroes lantes dan apa jang boleh ditoenda belakangan. Orang jang kamoekaken pakerdja'an koe-rang penting dan kabelakangin jang berfaedah, ialah *tida lakoeken Perboeatan Bener*. Maka koentijinja Perboeatan Bener jaitoelah jang dinamain *Wiweka* atawa *discrimination*, jaitoe bisa memilih dan membedaken.

Selamet malem.

XXV.

(Lezing dari Batavia Buddhist Association di Klen-teng Kwun Im Tong, Batavia, pada tanggal 4 Agustus 1938 djam 8 sore).

Soedara-soedara,

Ini lezing ada djadi bagian paling pengabisan dari pembitjara'an tentang *Perboeatan Bener* jang saja moelai roendingken dari tanggal 7 April dan terbagi dalem delapan kalih lezing.

Sabelonija achirken ini pembitjara'an, jang aken disamboeng sama Djalan Oetama jang Kalima tentang mentjari *Penghidoepan Satjara Bener*, saja maœ djelaskeri beberapa soéal berhoeboeng dengan Perboeatan Bener jang bersifat samar, roewet, gampang bikin orang keliroe maksoednya, lantaran bisa diartiken roepa-roepa matjem atawa bertjabang-tjabang.

Oepama apa jang anggepan oemoem atawa publieke opinie pandang sabagi perboeatan „baek dan bener”, kapan orang ikoetin teroes-meneroes terkadang bisa djoega membawa njasar, lantaran publiek sering-

Archief
Samraja Bergenaar
berhaargedenk
perhambahan

kalih dipengaroehin oleh kabiasaän toeroen-menoeroen, kapentingan bangsa, kaperloean economie dan laen-laen jang bersifat kouwkatii, djikaloe boekan boeat diri sendiri, ada boeat kabangsa'an, negri, party, agama dan laen-laen lagi. Satoe orang jang negri atau bangsanja maloemken perang pada laen negri dengen maksoed boeat merampas tanah miliknya laen bangsa jang hendak ditaloekin dan didjadiken sabagi boedak, kabanjakan jang dengen zonder pikir lagi lantes benerken perboeatannja iapoenja pamerentah, dan malah banjak jang bersedia aken toeroet madjoe ka medan perang dan korbanken djiwanja boeat bantoe bikin itoe perboeatan kedjem, biadab dan serakah, bisa berhatsil, sebab ia pertjaja kapan soedah dapat kamenangan, iapoenja bangsa aken beroentqeng, mamoer dan djaja, deradjatnja poen naek semingkin tinggi, jaitoe dihormat dan dipandang moelia oleh sa'antero doenia. Dan kapan itoe orang jang toeroet angkat sendjata boeat toendjang haloean dari pamerentahnja jang djahat itoe, bisa berboeat djasa di medan perang, hingga dilkoerniaken bintang kahormatan atau dapat pangkat tinggi, pastilah oleh bangsanja aken dipermoeliaten, dipandang sabagi pendekar, maski djoega sabenernya si djagoan tadi soedah lakoeken perboeaan jang membikin binasa, loéka atau sangsara pada riboean orang jang tida berdosa dari itoe bangsa jang dikalahken dalem peperangan dan didjadiken sabagi boedak oleh fihak jang menang. Sabaliknja, kapan ada satoe orang jang merasa itoe peperangan ada tida pantes, tida adil, dan bertantangan dengan pri kamanoesiaän, dan ia laloe tjoba tentangan itoe dengan tjetelah haloean dari pamerentah negrinja, atau menolak boeat pegang sendjata dan madjoe ka medan perang, — boleh dipastiken ini orang nanti dibentji, dimoesoehin dan dikoetoek oleh samoea bangsanja jang „menjinta negri“, brangkalih ditoentoet dan di

hoskoem sabagi pengasoet jang berbahaja, dan malah boleh djadi ia d'krojok dan diboenoe mati oleh orang banjak jang merasa goesar padá iapoenja perboeatan „chianat” atawa „pengeljoet”.

Maka itoe boeat melakoeken Perboeatan Bener orang moesti bisa memilih dengen memake pertimbangan sendiri, tida koedoe ikoetin anggepan atawa pikiran dari laen-laen orang atawa rombongan besar jang dipandang sabagi publieke opinie, atawa mengikoetin sadja pada sentiment atawa aliran dari perasa'an oemoem. Biarpoen antero bangsa, antero familie, dan samoea kita poenja sobat-sobat, bilang satoe perboeatan ada „baek dan bener,” kita-orang djangan lantes tjeboerken diri dengen memboeta zonder ditimbang dan dipikir lagi, hanja moesti goenaken perasa'an hati dan pikiran sehat — kapan dirasa tjotjok boleh djalanken, dan kapan tida tjotjok, merasa sangsi, apalagi kaloe bertentangan sama liangsiem sendiri, djangan gegabah maen anoet-bloeng lantaran kena dipengaroehin oleh laen-laen orang.

Siapa hendak mengindjek djalanan dari kabenerah, jang menoedjoe pada kasoeetjian, pada kasampoerna'an, pada katentreman-kekel jang Buddha namaken Nirwana, selaloe moesti mentjil dan terpisah dari jang banjak. Inilah bisa diliat boekti-boektiinja dalem perdjalanan dari orang-orang soetji dari samoea agama. Maka sabagitoe lama orang belon bisa bebasin diri dari pengaroeh dan kakoeasa'an golongan jang banjak, dari bangsanja, kaøemnja, familie dan sobat-sobatnja, ia tida bisa dapet kamadjoean jang samperna dalem karohanian.

Tetapi ini boekan berarti, saorang jang hendak menjari kasampoerna'an batin koedoe djangan tjampoer pada sasama manoesia, pergi asingin diri atawa bertapa di tengah oetan. Pada sasoeatœ orang, bodo dan pinter, toea dan moeda, kaja dan miskin, moelia

dan hina, soetj^l dan kotor, djikaloe ada kaperlogen atauwa kafaedahannja, tida halangan boeat ia berhoeboengan. Jang perlœ jaitoelah ia djangan kasih dtrinja kena dipengaroe hin begitoe roepa hingga bertentangan dengan pikiran dan perasa'an hatinja sendiri. Kapan dapekken kawan jang tjotjok dan satoe toe-djoean aken sampeken saroepa maksoed, soedah tentoe ia moesti berhoeboeng rapet; tetapi pada orang-orang jang hendak adjak ia djalan menjimpang, menoedjoe ka laen djoeroesan jang bisa menghalangin kamadjoeannja, ia haroes mempoenjai kaberanian aken menolak dan mendjae hin dengan tetep dan pasti.

Di dalem persobatan orang anggep soedah moesti dan loemrah aken saling menoeloeng, mengasih dan menerima boedi. Soedah menjadi kabiasaan, kapan saorang hendak iket persobatan pada laen orang jang belon dikenal atauwa perhoeboengannja koerang rapet, ia bikin koendjoengan, kasih bingkisan, dan laen-laen „oempam” soepaja di belakang kalih, kapan ia madjoken perminta'an ini dan itoe, si „sobat” jang soedah terima boedi tida ada kakerasan hati boeat menolak. Di dalem pergaoelan dari orang-orang biasa boleh dibilang soedah menjadi oemoem, kapan saorang dengan mendadak sering dikoendjoengin oleh laen kenalan dengan siapa tadinja ia tida perna berhoeboeng rapet, dengan dianterin barang makanan atauwa laen-laen persenau, diadjak djalan-djalan atauwa dibajarin menonton, dalem hatinja lantes bertjékët jang itoe orang tentoe „ada maoenja”. Dan kabanjakan dari itoe doega-doega'an memang betoel dan lantes terboekti, dan itoe „perminta'an” dari si sobat jang melepas boedi terkadang ada lebih berat dari-pada itoe kabaékan jang soedah diterima.

Maka itoe sedeng angen-angen dari persobatan memang ada baek dan moelia, hingga boekan sedikit manoesia jang dapet kasenangan, penghiboeran dan

kaberoentoengan dari sobat-sobatnya, tetapi di sabelahnja itoe ada amat besar djoemblahnja orang jang dapat kadoeka'an, kamenjeselan, karoegian dan katjilaka'an dari fihak jang ia pandang sabagi „sobat”.

Saorang jang hendak mentjari kasampoerna'an batin haroes mempoenjai kamaoean dan toedjoean te'ep jang tida gampang mengiser, dan ini tjoemah bisa dipegang tegoeh kapan ia bisa tolak segala oeroesan jang saban-saban moentjoel atawa jang diserahkan padanja boeat dioeroes dan diperhatiken — segala oeroesan tektékbengèk jang tida memberi kafaedahan, tjoemah menambahin karipoohan dan karoewetan pikiran. Dan djoestroe inilah ada jang ambil bagian paling penting dari penghidoepan manoesia ; di antara orang-orang moeda, sabagian besar dari marika poenja kagagalann, kasokeran dan katjilaka'an, ada dari lantaran tabeat atawa kamaoeannja terlaloe lemah boeat tolak pengaroeh dari sobat-sobatnya jang menjérét atawa mengandjoerin ka djoeroesan tiça baek. Inilah ada satoe kabeneran jang segala orang, jang mempoenjai pengalaman dalem penghidoepan, bisa boektiken sendiri.

Biasanya orang bilang, kapan perminta'an dari sobat-sobat selaloe tida ditoeroet, achirnya membikin kita *kailangan sobat* dan *hidoep* seperti *teräsing*; saorang jang ingin kamaoeannja ditoeroet tetapi ia sendiri saban-saban menolak kainginan dari sobat-sobatnya, pastilah akan dinamain *li-kiat* dan *kouwkti*. Ini pikiran memang adla bener, kapan itoe orang sering madjoein perminta'an pada iapoënja sobat-sobat boeat hasenangan dan kaoentoengan sendiri; tetapi djikaloe ia tida perna minta apa-apa jang bisa menjoesahin atawa meroegi-in orang laen, dan ia lebih senang hidoep sendirian dari-pada berijampeer gaoel dengan orang-orang jang berkalakoean tida baek, — itoe penolakan tida meroegiken satoe apa boeat dirinja, dan tida bisa menimboelken bangkitan dari laen orang.

LEZING-LEZING DI KWAN-IM TONG.

Memang betoel ia aken kailangan „sobat-sobat“ jang toekang membawa njasar dan meroegiken, tetapi di sabelahnja itoe, lekas atawa lambat, ia poen moesti dapet kawan-kawan jang lebih baek, lebih djoedjoer dan fijotjok, sabagi gantinja, jang bisa *menghargain* dan *mengarti* iapoenia toedjoean.

Kakoeatiran ilang sobat, renggang sama familie, atawa terasing sendirian, tjoemah diampoenjai oleh orang-orang jang bertabeat tjoepet, jang sendirinja masih kandoeng sifat kouwkat, masih ada poenja *kapentingun*, inginken *kaoentoengan* atawa *menarik kabaikan* dari itoe persobatan. Tentoe sadja lantaran itoe ia merasa „roegi“ dan „tida enak“ kapan tida „bales boedi“ dengen loeloesken perminta'an dari itoe sobat-sobat, biarpoen ia meliat terang jang dirinja bakal dapet banjak soesah dan poesing atawa kena roegi.

Saorang jang mentjari katentreman boekan moesti tida perdoeliken sobat-sobat dan familienna poenja pierminta'an toeloeng atawa keluhan jang pantes; sabaliukna ia poen moesti *sediaken diri* goena kabaikan *segala machloek*, binatang atawa manoesia, dikenal atawa tida; tetapi ia bekerdja atas *soeka sendiri*, boekan dipengaroehin atawa didesek oleh rasā familie dan persobatan. Ia menoeloeng dengen tida harep pembalesan, dan lantaran ia taoe betoel memang perloe diteloeng. Kapan tempo atawa kakoeatannja tida tjoekoep aken menoeloeng dengen tenaga dan oewang, ia poen bisa kirim pikiran baek, rasa sjimpathie dan kasian, pada itoe machloek-machloek jang bertjilaka. Dengan begitoe ia bekerdja teroes di sembarang sa'at aken goena kabaikan, mendjalanken pri dermawan dalem artian jang paling loeas, zonder toedjoean dan katentremanja kena terganggoe, kerna ia bisa pilih tempo dan kaloearin tenaga jang berimbang sama ka'ada'nnja sendiri.

Perminta'an dari loear, biarpoen dari familie deket, seringkali tida perhatiken pada orang poenja ka'adaan, apa sanggoep loaloesken atawa tida. Orang jang minta derma sering merasa koerang senang kapan satoe soedagar „besar” atawa saorang jang dipandang „mampoeh” tjoemah mengasih sadjoemblah ketjil; iaorang tida taoe jang itoe soedagar lagi bingoeng pikiran oetang-oetangnya soepaja tida djatoh failliet, dan si „mampoeh” tadi tjoemah kaliatan bagoes di loear sedeng ka'ada'an oewangnja soedah lama roesak dan kosong.

Banjak pegawe menggroetoe tauwkenja poenja pe-lit, anak tjelelah bapanja poenja bodo menjiksa diri siang dan malem dengen hidoepr himat, sedeng sabenerna itoe tauwkee dan itoe orang toea lagi ber-goelet mati-matiyan boeat mendjaga soepaja pereesaha-anja jang miring keras djangan sampe ambroek!

Malaa itoe segala perminta'an dari desekan dari loear, dari fihak jang tida taoe betoel kita-orang poenja ka'ada'an sabelah dalem, seringkali bersifat *tida adil*, hingga kapan kaliatan bisa merqegiken dan menjoesahken, kita-orang haroes tolak ka samping dengan *tida perdoeli tjomelan dan tjelehan*.

Inti matjem kategoehan hati, boeat tida ketarik oleh poedjian dan tida takoet tjelehan, ada djadi *poko dasar* atawa *djiwa* dari Perboeatan Bener, sebab sabagitoe lama orang belon bisa bebaskan dirinja dari pengaroeh, desekan dan adjakan dari loear, jang bikin paesing dirinja boeat lakoeken perboeatan sia-sia, ia tida bisa dapet kamadjoean jang sasoenggoenja ka djoeroesan kasampoerna'an.

Moerid-moerid sekola jang, lantaran ketarik oleh kawan-kawan hoeat pergi mengider, menenton atawa mengobrol, tida dapet tempo aken faham ken pelajaranja, apalagi di waktoe soedah deket examen, kabanjakan jang gagal.

LEZING-LEZING DI KWAN IM TONG.

Orang-orang toea biasa menjomel kapan anak-anak-nja telantarin peladjaran jang moesti dikerdjin di roemah, hanja sia-siaken temponja dengan pergi memaan. Kita-orang merasa girang kapan meliat itoe anak-anak tida maoe tjampoer kawan-kawannja sabelon beres kerdjin peladjarannja atawa apalin isinja boekoe sekola.

Tetapi, soedara-soedara, bagimana dengan *kita* sendiri?

Ini penghidoepan, boeat samoëa orang, toea atawa atawa moeda, botjah atawa luke, ada samatjem „sekola,” boeat mana kita-orang haroes *beladjar* teroes-meneroes, boeat memilih dan mengenalin apa jang baek dan tida baek, jang berfaedah dan tida bergoena, jang mengoentoengken dan meroegiken. Di sajoe teres kita pada saban waktoe bisa moentjoel berbagi-bagi soea jang haroes dipetjahken satjara bidjak dan pande, atawa kita nanti alamken kasokeran dan kamenjeselan. Ada banjak kawadjiban jang haroes dipenoehken, ada banjak kakaloetan jang haroes diberesken, tjatjat-tjatjat jang moesti lekas disingkirken, dalem pakerdja'an, roemah tangga atawa diri kita sendiri. Maka saorang jang hendak mentjari kasampoerna'an dan katentreman, tida bisa hamboerken tempo dan tenaganja boeat perhatiken segala oeroesan jang sia-sia dan tida berfaedah, sabagitoe lama ia dapatken di hadepair matanja masih terletak pakerdja'an jang djadi iapoenja tanggoengan dan kawadjiban aken beresken, tapi belon bisa dipegang.

Ada djoega jang bilang, manoesia hidoeper *soedah* *djamaknja* moesti plesier dan tjari kesenangan hati; siapa bekerdja teroes-meneroes aken oeroes dagangan, roemah tangga dan laen-laen kawadjiban, sama djoega „siksa diri”. Ini matjem pikiran soedah bisa timboel lantaran orang koerang mengarti pada toe-djoean hidoeper dan pada apa jang dinamain „kase-

nangan" dan „kaplesieran". Saorang bodo jang hidoeprja tjoemah boeat kedjer kasenangan dan kaplesieran meloeloe, memang merasa sangat tida enak kapan moesti bekerdja berat boeat penoehken kawadžibannja. Tetapi saorang jang mengarti, nanti dapat *kagirangan* dan *kasenangan* kapan bisa rampoengken satoe pakerdja'an jang ia lagi oeroes; satoe njonja roemah merasa senang kapan soedah selesé pél djoebin roemahnja sampe berkilap, kerna ia tida betah hadepken itoe kamesoeman; satoe boekhouder merasa poeas koetika boekoe dagangan dari taon jang laloe soedah bisa ditoetoep dengan beres dan rapih dengan disertaken balans jang sampoerna; satoe moerid sekola merasa pikirannja *enteng* dan *lapang* kapan soedah toelis abis itoe peladjaran jang goeroenja soeroe ia kerdjain di roemah. Ini matjem-matjem kagirangan, kasenangan dan kapoeasan, lantaran bisa lakoeken dengan betoel kawadžiban di depan mata, selaloe mendjadi sabagi *gandjaran* bagi orang-orang jang radjin dan terliti, jang bekerdja boeat sendiri, boeat laen orang, atawa boeat familienna.

Saorang jang paling bodo dan pemales, jang tjoemali pikirin dan kedjer kasenangan meloeloe, tida berani tjetelah pada anak-anak sekola jang beladjar dengan giat, jang pergi ka tempat djaoe di sebrang laoetan boeat tjari peladjaran lebih tinggi. Mengapa-kah satoe orang jang toenda atawa djaoekeun kaplesieran sia-sia soepaja bisa toemplek perhatiannja boeat oeroes dagangan, pakerdja'an, roemah tangga dan familienna, dikataken „menjiksa diri?"

Apa jang oemoemjna dinamain *kaplesieran*, seperti pesiar, koendjoengin tempat karamean, menonton, dahar di restaurant, maen kartoe dan sabaginja, samoeanja ada didampingin djoega oleh *karoegian*, *kadjengkelan* dan *kamen jeselan*. Saorang jang tjari kasenangan hati dengan berdjoedi, kapan kalah ba-

LEZING-LEZING DI KWAN IM TONG.

njak moesti djadi menjesel, dan djikaloe dapt kamenangan besar lantes timboel rasa kemaroek, ingin berdjoedi lagi. Ada banjak orang pakerdja'an jang gemer menonton, pergi ka tempat mandi, pesiar koelilingan, pada sabelon achir boelan oewang gadjinja soedah poetoes, atawa saoemoer hidoeprja tenggelem-timboel di rawa oetang, hingga itoe „kasenangan” jang ia dapt sabenernya tida satimpal sama kasoesahan, kakoeatiran dan kahina'an jang moesti ditanggoeng lantaran djeleknja iapoenja ka'ada'an oewang dan kaloetna iapoenja penghidoepan. Maka saorang jang toedjoean hidoeprja tjoemah boeat plesier, kapan ia ada saorang jang boekan hartawan, selaloe moesti hadepken lebih banjak kasoesahan dari-pada jang radjin dan giat bekerdja; sabaliknya, saorang jang djalanken kawadjibannya dengen terliti, oeroes pakerdjaaan, roemah tangga dan dirinjya dengen beres lebih doeloe sabelonnja taro perhatian pada kasenangan loear, ialah pasti aken alamken lebih banjak kaberoentoengan dan katentreman, kerna beres dan berhatsilnja iapoenja pakerdja'an ada memberi kasenangan besar padanja. Djadinja sedeng pada jang pertama bekerdja keras ada samatjem siksa'an, pada jang belakangan ada djadi kasenangan. Itoe perasa'an senang dan soesah, enak dan tida enak, boekan bergantoeng pada apa jang dilakoeken, hanja pada masing-masing orang poenja pikiran dan toedjoean dalem kahidoepan.

Saorang jang biasa toempilekin perhatiannja boeat sampeken saroepa maksoed, biarpoen bersifat kouwkti, oepama boeat koempoel kakaja'an meloeloe, masih ada lebih baek dari-pada jang tida mempoenjai toedjoean dengan tentoe. Dalem penghidoepan manoesia di saban wakoe bisa moentjoel apa-apa jang menimboelken perobahan besar pada anggepan dan angen-angennja. Orang jang toedjoean hidoeprja me-

loeloe boeat tjari doeit, bisa loedes kakaja'annja ; jang ingin bikin beroentoeng iapoena familie, nanti alamken kedoeahoeng besar lantaran anak-anaknja berlakoean tida baek atawa poen poet-hauw, atawa djadi poetoes harepan lantaran anak jang sanget ditjinta meninggal doenia; orang jang kedjer kadoedoekan tinggi dan kahormatan, bisa djoega alamken kahinan atawa terdjoengkel dari kadoedoekannja. Ini se-gala katjilaka'an nanti beriken kasedaran jang mem-bikin ia *insjaf* atas tida kekelnja barang doenia dan keliroenja itoe toedjoean jang tadinja ia ichtiarken begitoe keras soepaja berhatsil.

Kapan satoe kalih ia soedah mendoesin dan moe-lai ambil laen toedjoean jang lebih bener, jang mendjoeroes pada katentreman atawa kamadjoean batin, itoe tabeat dan kabiasa'an boeat toemplekin antero tenaga dan perhatiannja, ada bergenra besar, kerna bikin ia madjoe lebih pesat dari-pada laen-laen orang. Maka itoe biar pakerdja'an apa sadja jang kita lakoe-ken, dan bagimana matjem djoega adanja itoe toe-djoean dan angem-angen jang kita kandoeng, itoe *kamantepan hati* boeat bikin apa jang dikerdjain men-dapet hatsil sabaek-baeknja, ada *sanget parloe!*

Sabagi penoetoep, saja maoe beriken sedikit pe-ngeendoekan tjara bagimana orang haroes memilih dan membedaken apa pakerdja'an jang *baek* dan *tida baek* dilakoeken.

Memang boeat saorang biasa atawa jang baroe moelai beladjar pengataoean batin, ini soeal tida ter-laoe gampang, sebab sabagimana tadi saja soedah terangken, apa jang orang banjak pandang „*baek*” dan „*bener*” ada djoega jang sasoenggoenja salah, keliroe dan berdosa, seperti halnya itoe orang jang membela haloean pamerentah negrinja boeat rampas daerah laen bangsa satjara rampok. Maka boeat men-djaga soepaja djangan sampe kerna lakoeken perboeat-

Philosofie Buddhist tentang Kalahiran dan Kamatian.

OLEH BHIKKHU NARADA.

(*Samboengan nomor jang laloe*).

Sasoedahnja menerangkan sebab dari kamatian satjara di atas, Buddhisme bertaoeken pada kita bahoea tjara dari kalahiran poen ada terdiri dari ampat matjem, jaitoe machloek jang terlahir di dalem telor (*Andadja*) jang dari peroetnjā iboe (*Djalaboeedja*), jang terlahir dari hawa basah (*Samsedadja*), dan machloek jang terlahir sendirinja (*Opapatika*). Ini pembagian jang loes ada mengenaken sa'antero daerah dari machloek-machloek jang berdjiwa.

Boeroeng-boeroeng dan oeler-oeler ada terlahir dari dalem telor dan teritoeng pada bagian jang pertama.

Machloek jang terlahir dari dalem peroet iboenga ada terdiri dari manoesia, beberapa matjem Dewa jang bertempat di boemī, dan binatang-binatang jang menjoesoein. Jang goenaken barang basah sebagai bahan dari marika poenja membesarin, seperti nja-

an jang tida bener, ada perloe orang ambil ini timbangan: apakah dengen lakoeken itoe perboeatan, akoe tida bikin roegi, soesah atawa menjakitken pada laen orang atawa laen machloek jang hidoe? Boleh djoega orang ambil itoe pepatah dari Khong Tjoe jang bilang, „Djangan berboeat pada orang apa jang kaoe tida ingin laen orang nanti berboeat padamoe, dan berboeatlah pada orang apa jang kaoe ingin laen orang nanti berboeat pada dirimoe.”

Satoe „Perboeatan Bener” boekan sadja tida merroegeken, menjoesahken atawa menjakitken pada laen-laen orang, tapi djoega jang memberi *kabaakan*, *kaberoentoengan* dan *kaberkaahan* pada segala machloek rata-rata.

Selamet malem.

moek-njamoek, ada termasoek dalem golongan jang katiga.

Machloek jang terlahir dengen sendirinja oemoem-nja tida tertampak oleh mata biasa. Katanja marika terlahir dengen woedjoet jang kaliasan-na seperti soedah beroesia limablas atawa anemblas taon dan moentjoel dengen mendadak, tida bergantoeng pada iboe atawa bapa. Oleh kerna marika tida meliawatin tempo dalem kandoengan jang bisa memboeraskem peringatan-peringatan dari penghidoepan jang laloe, maka katanja marika bisa inget segala pengalaman dari kalahiran-kalahirannja jang doeloe-doeloe. „Sasoedah melintas dari sana ia laloe terlahir sabagi satoe Dewa, dan melirik pada tempo jang laloe boeat dapat taoe apa matjem kabaikan jang ia telah lakoeken jang menjebabken ia terlahir tjara begitoe,” demikianlah ada oedjar jang sering terdapek dalem Suttantas. Begitoelah Brahmas, Dewa-dewa dari alam sorga, dan Petas atawa laen-laen machloek djahat jang menangoeng siksa dan kasangsara'an dalem daerah dari kadjahatan (*Nirayas*) ada termasoek dalem ini bagian jang pengabisan (ka'ampat).

Sabelonna membitjaraken itoe soea jang menge-naken toemimbal-lahir haroes djoega diperigetken disini, bahoea Darwin poenja theorie tentang evolutie tida mendapek tempat dalem Buddhisme. Kaoem Budhist tida pertijaya tentang kahidoepan jang samboeng-menjamboeng di dalem woedjoet kasar. Itoe toeboeh kasar jang baroe boekan ada penjamboeng dari jang doeloean, maski moesti diakkoe bahoea pendjelma'an dari tempo sekarang ada bergantoeng atas kamati-an di tempo jang laloe. Itoe woedjoet-woedjoet jang terdiri dari begitoe banjak matjem hanja mengasih oendjoek adanja tenaga-Karma. Seperti dikataken oleh Bhikku Silacara:— „Dengen tida kaliasan itoe tenaga-Karma pergi ka tempat mana sadja jang tjo-

tjok aken ia kasih liat woedjoetna ; disini ia oendjoek roepa seperti semoet ketjil atawa belatoeng, disana ia bikin kaliatan roepanja dalem kamuelia'an dari kahidoepannja satoe Dewa atawa Malaikat-besar. Kapan satoe tjara dari iapoenja pengoendjoekan diri soedah linjap ia hanja pindah aken mentjari lagi jang laen, dan kapan ada dateng satoe koetika jang menjotjokin, laloe perlihatken poela dirinja dalem laen nama atawa roepa."

Soedah mendjadi kabiasaan aken membilang, kapan abis menjaksiken perledakannja ambekan dan hawa nafsoe dalem dirinja satoe orang jang kita paudang mempoenai sifat pribodi tinggi : — „Bagimana ia bisa lakoeken itoe matjem perboeatan, atawa mengikoetin itoe matjem toedjoean dan kalakoean. Itoelah sama sekalih ada berbeda dengan apa jang ia biasa tertampak oleh laen-laen orang atawa brangkalih oleh dirinja sendiri.” Apakah jang ini oetjapan ada mengoendjoek ? Kaoem Buddhist bilang itoe perboeatan jang tida disangka ada mengoendjoek sedikitnya satoe bagian dari itoe orang poenja ka’adaan jang sabener-nja, satoe sifat tersemboeni tetapi toelen dari iapoenja diri jang sasoenggoenja, atawa dalem laen perkata’an, iapoenja toedjoean Karma.

Dalem ka’adaan diam tetapi tida termoesna, dan dengan selaloe sedia boeat berbangkit kombali, dalem diri manoesia, menoeroet Buddhisme, ada terdapat lima sifat, jaitoe : kasoetjian (*Dibba*), kamanoesia’an (*Manusika*), kakasaran (brutaal, *Tiraktjina*), kaiblisan (*Peta*) dan kananakaän (*Nerayika*). Biarpoen bagimana madjoe kita poenja pri kasopanan, ini sifat-sifat bisa berbangkit dengan kakoeatan jang mengagetken pada saät-saät jang tida disangka sabagitoe lama kita masih teriket pada keadoeniaan (*Poethoedjanū*).

Kita hidoeptjoe mah boeat sasoeatjoe saät dari pikiran seperti djoega itoe roda kipungan mengenain

tanah tjoemah pada salah-satoe bagiannja sadja, dan lantaran itoe kita selaloe hidoe p boeat di saat jang sekarang. Itoe tempo sekarang teroes-meneroes terlolos dari hadepan kita akan menjadi tempo jang laloe dengan tida bisa ditarik poelang kombali. Sekarang ini kita lagi menjebak bibit dari hari kadepaan. Sekarang, biarpoen di ini saat, kita lagi tjiptaken itoe naraka ka dalem mana kita bakal dilemparkan. Sekarang, malah di ini saat, kita lagi mendiriken itoe sorga jang bakal beriken pada kita segala kasenangan. Apa jang kita djadi sekarang ada menoeroet bagimana sifat kita jang doeloean; ka'ada'an kita boeat kadepaan ada menoeroet sifat jang kita ampoenjai sekarang. Apa jang kita akan djadi di hari nanti ada ditetepken oleh apa jang kita pikir dalem saat sekarang ini.

Dengan tjava begitoe djoega, menoeroet philosofie Buddhist, itoe kalahiran jang bakal dateng ada ditetepken oleh pikiran jang dikandoeng paling belakang jang beroepa kainginan paling keras salagi kita hidoe. Maka disitoe ada terletak kasempatan boeat itoe tenaga Karma, jang tertampak di dalem woedjoet dari satoe manoesia, mengasih oendjoek poela roepanja jang bersifat sabagi binatang, iblis, Dewa atawa manoesia, atawa, dalem laen perkata'an, boeat itoe Karma toeroen dengan satoe kalih melompat ka dalem apa jang dinamain tangga evolutie dari woedjoet-woedjoet.

(Ada berikoetnja).

SOEDAH SEDIA :

Sam Kauw Gwat Po tsion ka'ampat, dari No 37 sampe 48, soedah didjilid djadi satoe dengan terdjaat benang dan pake carton tebel, dalem mana ada terdapet, antara laen-laen, itoe serie lezingen „Buddha poenja Ampat Kabeneran Moela“ jang diadaken di Kwan Im Tong. Harga jang soedah didjilid compleet f 3,60. Boeat Abonne ini maandblad tjoemah f 3,00. Dikirim franco.

ADMINISTRATIE SAM KAUW GWAT PO Tjitjoeroeg.

KABAR DARI BATAVIA BUDDHIST ASSOCIATION
DAN SAM KAUW HWE BATAVIA.

Di bawah ini ada tjetetan dari lezing lezing dalem boelan Januari 1939, dalem krenteng Kwan Im Tong moelal djam 8 sore :

Tanggal 5 dan 19. Oleh Kwee Tek Hoaij dan Han Hok Khiam : Pelajaran Sam Kauw.

Tanggal 12 dan 26. Oleh R. Soekirlan, R. Soestardjo dan M. Kadiroen : Theosofie, Buddhismus dan Iaen-iaen.

Kabar Administratie.

Dengan membilang banjak terima kasih kita soedah trima kiriman oewang boeat membajar abonnement Sam Kauw Gwat Po dari toeantoean jang tersaboot di bawah ini :

Tjee Tong Djoe f 2,25.

Mevr. Tjan Djie Djwan, Nie Hael Tong, à f 1,50.

Ong Hway Glok, Lle Ping Gwan, Oel Khing Siang à f 0,75.

Penerima'an di atas sampe akhir December 1938.

**DJAMOE DJAWA INDUSTRIE
TJAP BOEROENG „DARES”**

DIBIKIN OLEH MEJ. ELLY ANG, PASIRIAN (OOST JAVA).

Selaloes ada sedia segala matjem djamoe-djamoe oentoeck menjemboehin segala roepa penjakit, goena orang lelaki, prampoean dan anak-anak, teroetama boeat orang prampoean jang baroe abis bersalin, kita ada sedia jang dibikln spocial dengen serba compleet.

Ini djamoe-djamoe samoea dibikin dari bahan-bahan jang soedah terpilih katoelenan dan kamandjoerannja, menoeroet receipt-recept jang soedah lama terkenal kabaeckanna dan menoelaeng pada boeken sedikit orang.

Djoega ada sedia matjem-matjem stroop, teroetama stroop pokak. Djoega ada sedia swan-djong dan segala roepa atjar, manisan dan gelet.

Bikinlah pertjobaan! Tentoe memoeasken!!

Segala pesenan, banjak atawa sedikit, diterima dengan senang hati.

Orang jang beli boeat djejal lagi dapat rabat bagoes. Prijscourant dikirim gratis pada siapa jang minta.

Pesenan haroes dialamatken pada:
MEJ. ELLY ANG, — PASIRIAN.

N.V. BATAVIA BANK

Terdiri 1918
Asemkade 22-23,
Batavia.

Memberi crediet boeat
perdagangan
Trima Giro dan Deposito.